

7. júlí 1986

709

Nr. 334

REGLUGERÐ

um breyting á samþykkt um stjórn bæjarmálefna Kópavogsskaup-
staðar nr. 276 1. júní 1984.

1. gr.

7. gr. samþykktarinnar orðist svo:

Bæjarstjórn heldur reglulega fundi annan og fjórða þriðjudag hvers mánaðar nema júlí, ágúst og desember, er halda skal aðeins einn fund og þá þriðja þriðjudag hvers mánaðar. Fundur skal að jafnaði hefjast kl. 16.00. Aukafund skal halda, samkvæmt ákvörðun bæjarstjóra, forseta bæjarstjórnar eða ef fjórir fulltrúar hið fæsta krefjast þess. Fundum bæjarstjórnar skal að jafnaði ljúka fyrir miðnætti, kl. 24.00.

2. gr.

8. gr. breytist í samræmi við 7. gr., þannig að fimmtudagur kemur í stað þriðjudags.

3. gr.

24. gr. samþykktarinnar orðist svo:

Bæjarstjórn kýs eftirtaldir nefndir og starfsmenn til að fara með tiltekin málefni, eftir því, sem lög mæla fyrir.

A. Til eins árs á síðari fundi í júní ár hvert:

1. Forseta bæjarstjórnar.
2. 1. varaforseta bæjarstjórnar.
3. 2. varaforseta bæjarstjórnar.
4. Tvo skrifara bæjarstjórnar og tvo til vara.
5. Fimm bæjarfulltrúa í bæjarráð.
6. Tvo skoðunarmenn bæjarreikninga og tvo til vara.
7. Kjörstjórnir við bæjarstjórnarkosningar:
 - a) Þrjá menn í yfirkjörstjórn.
 - b) Þrjá menn í hverja undirkjörstjórn og þrjá til vara.
8. Kjörstjórnir við alþingiskosningar:
 - a) Þrjá menn í hverja hverfiskjörstjórn og þrjá til vara.
 - b) Þrjá menn í hverja undirkjörstjórn og þrjá til vara.
9. Fimm menn í framtalsnefnd og fimm til vara. Starfstími nefndarinnar skal hefjast og enda við áramót.
10. Fimm menn í hafnarstjórn.
11. Tvo menn í stjórn Sparisjóðs Kópavogs. Auk þess eiga sæti í stjórninni þrír fulltrúar kjörnir af ábyrgðarmönnum sparisjóðsins.

B. Til fjögurra ára á öðrum fundi eftir bæjarstjórnarkosningar:

1. Fimm menn í atvinnumálanefnd og fimm til vara.
2. Fimm menn í lista- og menningarráð og fimm til vara.

3. Fimm menn í byggingarnefnd og jafnmarga til vara.
 4. Fimm menn í félagsmálaráð og fimm til vara.
 5. Fimm menn í heilbrigðisnefnd og fimm til vara.
 6. Fimm menn í íþróttaráð og fimm til vara.
Samstarfsnefnd íþróttafélaganna er heimilt að tilnefna þrjá áheyrnarfulltrúa með málfrelsi og tillögurétt.
 7. Fimm menn í jafnréttisnefnd og fimm til vara.
 8. Fimm menn í skipulagsnefnd og fimm til vara.
 9. Fimm menn í skólanefnd og fimm til vara.
 10. Fimm menn í umferðarnefnd og fimm til vara.
Rétt til setu á fundum nefndarinnar hefur bæjarfógeti og bæjarverkfræðingur með málfrelsi og tillögurétt.
 11. Fimm menn í stjórn Vélamiðstöðvar, þar af tilnefna starfsmenn Vélamiðstöðvar og Strætisvagna Kópavogs sinn hvorn manninn.
 12. Fimm menn í tómstundaráð og fimm til vara. Auk þess skal starfandi félögum í bænum, þó ekki íþrótta- og stjórnmalafélögum, heimilt að tilnefna þrjá áheyrnarfulltrúa með málfrelsi og tillögurétt.
 13. Sex menn í áfengisvararnefnd og sex til vara. Auk þess á sæti í nefndinni einn fulltrúi skipaður af ráðherra og er hann formaður nefndarinnar.
 14. Fjóra menn í stjórn Sjúkrasamlags Kópavogs og fjóra til vara. Auk þess skipar ráðherra til viðbótar formann og varaformann stjórnarinnar.
 15. Fimm menn í umhverfisráð og fimm til vara.
 16. Þrjá menn í húsaleigunefnd og þrjá til vara.
 17. Þrjá menn í stjórn Félagsheimilis Kópavogs og þrjá til vara. Auk þess eiga sæti í stjórninni tveir fulltrúar tilnefndir af aðildarfélögum.
 18. Þrjá menn í stjórn verkamannabústaða og þrjá til vara.
 19. Þrjá menn í stjórn Örva, verndaðs vinnustaðar.
 20. Þrjá menn í vinabæjanefnd og þrjá til vara. Auk þess eiga sæti í nefndinni einn fulltrúi frá Norræna félaginu í Kópavogi og bæjarstjóri.
 21. Tvo menn í stjórn Heilsugæslustöðvar Kópavogs og jafnmarga til vara. Auk þess á sæti í stjórninni einn fulltrúi sem starfslið Heilsugæslustöðvarinnar kys úr sínum hópi.
 22. Tvo bæjarfulltrúa eða varabæjarfulltrúa í stjórn Lífeyrissjóðs Kópavogskaupstaðar og tvo til vara. Auk þess eiga sæti í stjórninni tveir fulltrúar kjörnir af sjóðsfélögum og bæjarstjóri, sem er formaður stjórnarinnar.
 23. Einn forðagæslumann.
 24. Einn mann í fulltrúaráð Brunabótafélags Íslands og einn til vara.
 25. Einn mann í stjórn Bláfjalla- og Reykjanesfólkvangs og einn til vara.
 26. Einn mann í stjórn Tónlistarskóla Kópavogs.
- C. Í aðrar nefndir sem stofnaðar kunna að verða.

Bæjarstjórn kys formenn nefnda, nema þar sem lög og reglugerðir kveða á um annað.

Samþykkt þessi, sem bæjarstjórn Kópavogskaupstaðar hefur samið og samþykkt, staðfestist hér með samkvæmt sveitarstjórnarlögum nr. 8 18. apríl 1986 til þess að öðlast gildi þegar í stað.

Félagsmálaráðuneytið, 7. júlí 1986.

Alexander Stefánsson.

Hallgrímur Dalberg.